

A dì 25 Zener 1516.

Questi erano tolti per eletion in Gran Consejo, che per l' ora tarda tutti veneno zoso.

Podestà a Verona.

Sier Cristofal Moro, fo podestà a Padoa, qu. sier Lorenzo, per scurtinio.

Sier Lunardo Emo, fo luogotenente in la Patria, qu. sier Zuan el cavalier.

Sier Andrea Badoer, el cavalier Cao dil Consejo di X, qu. sier Zuane.

Sier Piero Querini, fo podestà a Padoa, qu. sier Antonio.

Sier Lunardo Emo, fo Consier, qu. sier Zuan el cavalier, dopio.

Capitanio a Verona.

Sier Andrea Trivixan el cavalier, fo capitanio a Padoa, qu. sier Tomà procurator.

Sier Lunardo Emo, fo luogotenente in la Patria, qu. sier Zuan cavalier.

Sier Andrea Trivixan el cavalier, fo provedador a Brexa, dopio.

Sier Zuan Badoer dottor e cavalier, ch'è ambador al Christianissimo re di Franza.

Sier Cristofal Moro, fo podestà a Padoa, qu. sier Lorenzo.

Al luogo di Procuratori sora i atti di Sopra Gastaldi.

Sier Donado da Leze, fo podestà e capitanio a Ruigo, qu. sier Priamo.

Sier Domenego Loredan, fo di la Zonta, qu. sier Domenego.

Sier Alvixe Zen, fo capitanio a Ravenna, qu. sier Francesco, qu. sier Marco el cavalier.

Sier Giacomo Badoer, fo luogotenente in la Patria, qu. sier Sebastian el cavalier.

Camerlengo in Cao d' Istria.

Sier Antonio Grimani di sier Nicolò da Santa Fosea.

Sier Polo Contarini qu. sier Piero, qu. sier Adorno.

Un Provedador sora le legne.

Sier Francesco Lando, el XL, di sier Piero.

Sier Francesco da Molin, fo podestà a Este, qu. sier Thimoteo.

Sier Zuan Francesco Lion di sier Thomà.

Sier Andrea Michiel l' auditor vecchio, di sier Lunardo.

A dì 26, la matina. In Colegio fo leto le lettere di Roma di 19, il summario di le qual ho scritto di sopra. Et la sera fo scritto per Colegio a Roma a l' Orator nostro, et avisi il Pontefice di queste motion fa il ducha di Urbin vecchio di far fanti e altro; niuno se impazemo etc.

Di Cremona, dil provedador Griti, di 22. Avisa dil suo zonger li con l' illustrissimo Lutrech.

A dì 27, la matina. A hora di terza, morite la mia carissima e dolsissima unica sorella uterina, Sancia moglie di sier Zuan Malipiero qu. sier Polo da Santa Maria Formosa, di una malatia fastidiosa, di la qual è stata la poverina martire in leto dal zorno di san Martin fin ozi, et fece una morte cristianissima, lo presente, et *sine dubio* l' anima sua è andata a la gloria celeste, morta di età di anni. . . . stata a marito a di 8 Fevver proximo sarà anni 28, et ben si pol dir esser stata con suo marito *sine ulla querela*, che prego Iddio gli doni requie sempiterna. Morite con fama eccellentissima e da tutti chi la cognosceva doluta; fo sepulta *honorifice* il dì seguente poi disnar a San Francesco di la Vigna, dove lei cussì ordinoe, in uno deposito dove in una arca è le osse di la carissima et eccellentissima madonna Letizia mia madre. Sichè poco di novo intesi; tanto era il dolor avi; ma non hessendo remedio, savia cosa è confermarsi con la voluntà divina, *et de hoc satis*.

Morite *etiam* questa note sier Marin Bon qu. sier Michiel, era stà eleto Avogador extraordinario, ma non intrato.

Di Verona fo lettere dil provedador Grade-nigo, di 25, hore 4. . . .

Da poi disnar fo Pregadi, per meter le galie di Barbara et far li 5 Savii sora le merchantia, et lo non vi fui per la morte antedita di mia sorela; che poi son in Pregadi niun vi ho falito. Et come poi intesi, fo leto le *lettere di Roma, di 10, et di Franza di l' Orator nostro di 17, di Castel Remora-*

(1) La carta 295 è bianca.